



CIM.STRESS

# Tetai au manako tauturu no te au turanga manamanata

E puapinga atu tetai au mea i tetai au mea ke atu. E akatinamou koe i taau i anoano maata kia rave koe, ma te rave i te au mea kare e rapurapu'ia me ka rava ake toou tuatau.

**“Me manamanata kino au e taku pepe, ka imene ua au.”**

## Tetai au manako tauturu no te au metua

E ngoie ua te turanga manamanata i te tupu ia koe e kimi ravenga ra no te ngutuare tangata, no te pu'a kakau, no te tunu kai, te tama ngutuare, te aere mei ko ia B ki ko ia A, no te moni, e te vai atura. E au taime tetai, me maata atu te turanga manamanata, ka ngata atu te ora'anga, no te mea, kore ake e, e maata ua atu ei e te ngata kino te au mea katoatoa.

Kare e rauka i te arai takiri i te turanga manamanata, ina ra, e au ravenga tetai no te raverave'anga kia kore e kino atu te turanga.

**Akanoo'ia tetai tuatau noou anake ua, e noo koe e tatau i tetai puka no tetai 10 miniti.**

**“Akataka'ia tetai tuatau noou kare koe e, ko Mama.”**

## Te au ravenga, penei e rauka mai ei te tauturu

- E akamanako meitaki koe i toou tu me tupu ake tetai au akanoonoo'anga. E au mea ainei tetai e akakakekake ana i toou vaito, i ta tetai mai au mea ke? E komakoma koe no teia ki tetai tangata ke mai, ma te kimi manako i te au ravenga e rauka ai ia koe i te rave meitaki i te reira.
- I tetai taime, ko te ariki pera ua e, "Kare e rauka iaku i te akatano i teia, kare oki e noku teia manamanata" e toou a'o rai i te ēa anga.
- Akanoo'ia tetai au tāmanako'anga te ka rauka i te rave. Me e au tamariki rikiriki taau, ka ngata te kimi ravenga kia vai mako ua rai te ngutuare. E akataka koe i tetai tuatau no kotou i te openga o te reira ra, no te akapapa kapiti'anga kotou i te au apinga kangakanga ki to ratou ngai.
- Akatikatika uaua. E tauta koe i te aereaere e toru taime i te epetoma, e rave koe e 20 noo tu mai ki runga i te au popongi, me kore ra, vaere'ia te aua tiare.
- Akataka'ia tetai tuatau noou anake ua. E noo koe e tatau i tetai puka mei te 10 miniti, me kore ra, i te akarakara TV. Eiaa koe e akapou i te taime i taau anau tamariki e moe ra, me kore ra, i te orooro aere i te rave i tetai au angaanga, e akanoo koe i te reira tuatau noou anake. Akapae'ia te founu ka aere ei koe ka pā'i, tātā'ia toou au manakonako'anga, pakoti'ia te matie, takoto'ia ki roto i te ra, ringi'ia tetai taeake.
- Akapiri'ia koe ki tetai au taeake. E aere koe ki tetai putuputu'anga turuturu tangata, me kore ra, e piri atu koe ki roto i te Apii a te Au Tamariki Rikiriki (Playcentre), me kore ra, i ta te Kohanga Reo. E komakoma koe ki te au metua o te tamariki e kangakanga ana ratou e taau tamaiti, e ka riro teia i te akatupu i tetai au akapiri'anga taeake noou te ka turuturu ia koe.

## Te au mea te kare e tauturu

- Eiaa koe e manako aka'apa ia koe, no te mea, kare e tangata e rauka iaia i te rave tau meitaki i te au mea katoatoa i te au atianga ravarai.
- E tauta koe kia kore koe e akariri akakino atu i tetai au aronga ke, e akaea pu koe, ka aere ei koe e ngai ke.
- E akapapu koe, kia kore koe e topa ki roto i te pakati (trap) i te kore e kaikai kia rava meitaki, i te kaikai maata ua atu ei, i te inu maata i te kōpe, me kore ra, i te kava.

**“Me e au mea ke atu tetai e raveia ra, na te reira e viviki ei au i te ati pu ua.”**

- Ka riro te va'a pu maata ua atu ei i te akakino atu i tei tupu, e ka noo koe e taau anau tamariki ma te vaerua kinokino.
- I tetai taime, mei te mea atura e, e ngata rava e te akaroi tangata te aere ki va'o i te koka aere. Ko toou au taeake e toou kopu-tangata toou au turuturu meitaki rava atu. Me kare aau aronga i kite, e akamanako koe i tetai au ngai penei, ka aravei koe i tetai au metua ki reira, mei toou rai to ratou turanga – i te Apii a te Tamariki Rikiriki (Playcentre), te Kohanga, te kindergarten, e te vai atura.



S.K.I.P

[skip.org.nz](http://skip.org.nz)

[facebook.com/SKIPcommunity](https://facebook.com/SKIPcommunity)

- Kare e rava ana taau moe. E tauta koe NZTCi te takoto ki raro ma te akangaroi, me moe taau anau tamariki. E aere koe e moe vave i te po. E tauta koe kia kore koe e roiroi kino rava, na te reira oki a akangata ana i te au mea katoatoa.

**“E aere koe ki va’o, akatuera’ia tetai maramarama, e me ka rauka ia koe, e aere koe ki tetai ngai ke mai”**

## **Te rave akanoo’anga i toou ra**

I te tamariki e rikiriki ra, e maata ua atu ei te au angaanga kia raveia. E tauta koe i te akatinamou i tetai au akanoonoo’anga kia kore te au angaanga te ka raveia e akauta mai na runga ake tetai i tetai. Kia vai teatea-mamao koe i te akatuke i tei akanoonoo’ia me tupu ake tetai mea ke. Eiaa koe e manamanata i te tama i te ngutuare me e ra manea e ka rauka ia koe i te aereaere, me kore ra, me e tangata tetai te ka tapae mai no te komakoma kia koe.

**“E akatangi maata pu koe i tetai au imene ka ura ai koe.”**

**“E pā’i tāpu koe, me kore ra, e pā’i paipa”**

## **Te akanoonoo’anga i tetai au turanga kotinga tei akakoro’ia**

Akanoonoo’ia te au tuanga puapinga. E puapinga atu tetai au tuanga i tetai pae, e tauta koe i reira i te iri i te au mea puapinga taau i anoano kia raveia, ka rave atu ei i te au mea kare e rapurapu’ia, me rava ake toou tuatau. E akanoo koe i tetai au turanga kotinga rikiriki noou, kia rauka ia koe i te kite e, kua oti ia koe i te rave i te reira i te au ra tātakitai. Mei teia te akara’anga, penei, kua akakoro koe i te pei i te au mea katoatoa i roto i te kaparata anu vairanga kai (fridge) tei pou to ratou tuatau, me kore ra, penei, i te akatinamou i tetai tuatau noou i te tatau puka ki taau tamaiti.

Me ka pati’ia atu koe kia rave i tetai angaanga te ka akatupu i te turanga manamanata kia koe, e karanga koe e, kare.

**“Kare au e pa’u ana i te founu i te 15 miniti i pou i mua ake ka akaruke ei au i te kainga.”**

**“E akatangi ana au i tetai dvd na te tamariki”**

## **Me te manako manamanata ra koe**

Me te taitaiā manamanata ra koe no tei kino maata toou turanga manamanata, tei raro ua atu ei toou turanga manako, me kore ra, kua taitaiā’ia koe, e komakoma koe i reira ki toou taote.

**“Kua tupu te ngata kiaku i muri ake i te anau’anga au i taku pepe. E mamao oki au mei ko i toku kopu-tangata e kua inangaro au i te komakoma ki tetai tangata. Kua komakoma au mei tetai okotai ora ki toku GP, e i toku oki atu anga ki ko i te motoka, te karanga mai nei toku tokorua kiaku e, e tangata tuke takiri au.”**



**S . K . I . P**

[skip.org.nz](http://skip.org.nz)

[facebook.com/SKIPcommunity](https://facebook.com/SKIPcommunity)

SKIP supports parents and caregivers  
to raise their children in a positive way.

For more information go to:

[www.skip.org.nz](http://www.skip.org.nz)

Email: [info@skip.org.nz](mailto:info@skip.org.nz)

Phone: 04 916 3300

For more information on support for parents, go to:

[www.familyservices.govt.nz/directory](http://www.familyservices.govt.nz/directory)



S.K.I.P

[skip.org.nz](http://skip.org.nz)  
[facebook.com/SKIPcommunity](https://facebook.com/SKIPcommunity)